

47
15. marz Um 3. Peningabrjef það, sem hjer ræðir um, hefur eptir skýrslu yðar verið skrásett á póststofunni í Reykjavík á póstsendingaskrá til Víðimýrar með fyrstu póstferðinni, en þegar póstpokinn frá Reykjavík til Víðimýrar var tæmdur þar, fannst brjefið ekki í honum, og var hann þó með ósködduðu innsigli póststofunnar í Reykjavík. Þar sem engin sönnun er komin fram fyrir því, að áminnt peningabrjef hafi á póststofunni í Reykjavík verið látið ofan í póstpokann til Víðimýrar, og sá, sem brjefið sendi, hefur fengið skaða sinn bættan af yður, verður ekkert endurgjald greitt fyrir þessa peningasendingu úr póstsjóði.

Í sambandi við það, sem að framan er sagt, vil jeg þjónustusamlega skora á yður, herra póstmeistari, að leggja ríkt á við alla þá póstaðgreiðslumenn, sem þjer eruð skipaður yfir, að hegða sjer nákvæmlega eptir því, sem fyrir skipað er í 7. og 8. gr. í leiðarvísi fyrir póstaðgreiðendur 31. október 1872, um afgreiðslu böggla- og peningasendinga, og sjerstaklega, að þeir eigi að hafa votta eða að minnsta kosti póstinn við, bæði þegar þeir láta slíkar sendingar niður í póstpokana og póstskrinurnar, og þegar þeir opna póstskrinurnar og póstpokana til að taka upp brjef og sendingar, sem til póstaðgreiðslunnar eiga að fara, og ávallt bera það sem niður er látið og upp er tekið nákvæmlega saman við póstsendingaskrárnar og aðgæta, að allt sje með rjettum ummerkjum, og í annan stað að leggja svo fyrir, að þegar póstar eiga að taka við póstflutningi hvor af öðrum, þá skuli hlutaðeigandi póstaðgreiðandi eða brjefhirdir í votta viðurvist eða að minnsta kosti í viðurvist beggja póstanna gæta vandlega að því, að póstflutningnum sje skilað með rjetttri tölu og rjettum ummerkjum.

48
19. marz Ágrip af brjefi landshöfðingja til amtmannsins yfir norður- og austuramtinu um hallærislán. — Með brjefi þessu var Húnavatnssýslu veitt 2950 kr. hallærislán í viðbót við áður veittar 5000 kr. og hafði þannig alls fengið 7950 kr. hallærislán samkvæmt vilyrðinu í landshöfðingjabrjefi 26. ág. 1887, en Skagafjarðarsýsla hafði 7. nóv. f. á. fengið 10000 króna hallærislán samkvæmt fyrirheiti í sama landshöfðingjabrjefi. Bæði lánin skyldu afborgast með $\frac{1}{10}$ árl. auk vaxta 4% á ári.

49
23. marz Brjef landshöfðingja til amtmannsins yfir norður- og austuramtinu um greiðslu lóðargjalds af fangahúsi. — Jafnframt því að endursenda yður hjermeð, herra amtmaður, reikning þann yfir lóðargjald fyrir fangahúsið á Akureyri, er fylgdi þóknanlegu brjefi yðar, dags. 13. f. m., undanfelli jeg ekki hjermeð þjónustusamlega að tjá yður, að með því að gjald það, er hjer ræðir um, verður eigi álitid að heyra til kostnaðar þess til fangahúsa, er samkvæmt tilsk. 4. marz 1871 sbr. 1. gr. laga 2. nóv. 1877 ber að greiða úr landssjóði, getur upphæð reiknings þessa, er greiða ber úr jafnaðarsjóði norður- og austuramtsins, eigi orðið ávísað til útborgunar úr jarðabókar-sjóði.

50
6. apríl Brjef landshöfðingja til amtmannsins yfir suður- og vesturamtinu um að Skaptártunguhreppur skuli vera sjerstök manntalsþinghá. — Eptir að hafa fengið þóknanlegt brjef yðar, herra amtmaður, dags. 4. p. m., viðvíkjandi beiðni hreppsnefnd-

arinnar í Skaptártunguhreppi um að tjeður hreppur verði gjörður að sjerstakri mann- 50
talspinghá með pingstað að Flögu, veiti jeg hjermeð samþykki mitt til þess að Skapt- 6. apríl
ártunguhreppur í Vestur-Skaptafellssýslu verði sjerstök manntalspinghá með pingstað að
Flögu, þó með því skilyrði, að hreppsnefndin komi upp óaðfinnanlegu og rúmgóðu
pinghúsi á Flögu og skuldbindi sig til að viðhalda því síðan.

Þetta tilkynnist yður hjer með til þóknanlegrar leiðbeiningar og frekari birtingar
fyrir sýslumanninum í Skaptafellssýslu.

Brjef landshöfðingja til biskupsins um bráðabirgða-uppbót til prestakalla. —

Samkvæmt tillögum yðar, háæruverðugi herra, í þóknanlegu brjefi, 24. f. m., vil jeg 51
hjermeð fallast á, að eptirnefndum prestaköllum verði af fje því, sem ræðir um í 13. 6. apríl
gr. b. 2. fjárlaganna fyrir árin 1888 og 1889, veitt bráðabirgðauppbót sú fyrir næst-
komandi fardagaár, sem hjer segir :

1. Staður í Grindavík fái	300 kr.
2. Staður í Aðalvík —	600 —
3. Tjörn á Vatnsnesi —	300 —
4. Miðgarður í Grímsey —	400 —
5. Höfði —	100 —
6. Lundarbrekka —	300 —
7. Sauðlauksdalur —	250 —
8. Skarðsþing —	250 —

kr. 2.500

Þetta læt jeg eigi hjálða, að tilkynna yður, til þóknanlegrar leiðbeiningar og
frekari birtingar, og skal jeg um leið geta þess, að jeg hefi í dag lagt fyrir landfóget-
ann að greiða uppbótarfje þetta úr jarðabókarsjóði samkvæmt ráðgjafabrjefi 11. nóvbr.
1881 (Stjórnartíð. 1881 B. bls. 152.).

Brjef landshöfðingja til sýslumannsins í Eyjafjarðarsýslu um skilning á 3. 52

gr. laga um verzlun og siglingar 7/11 1879. — Með brjefi, dags. 22. f. m., sem hingað 11. apríl
hefur komið beina leið, hefur F. Jónsson á Ytri-bakka spurzt fyrir um, hvort hann sem
sveitakaupmaður eigi hafi heimild til að neyta leyfis þess, sem þeim kaupmönnum, er
reka fasta verzlun hjer á landi, er veitt með 3. gr. í lögum um breyting á eldri lögum
um siglingar og verzlun á Íslandi 7. nóvbr. 1879, að verzla á skipum hvar sem vera
skal, með þeim einum skilyrðum, að fullnægja tollgreiðslu- og sóttvarnarlögum í ein-
hverju löggiltu kaптúni og verzla eigi með áfenga drykki annarsstaðar en á löggiltum
kaптúnum.

Útaf þessu skal jeg biðja yður, herra sýslumaður, að tilkynna spyrjandanum,
að jeg verð að álíta, að heimild sú, sem um er rætt í 3. gr. ofanefndra laga, sje að
eins veitt þeim, er reka fastar verzlanir þær, sem nefndar eru í 2. gr. sömu laga, p. e.
í kaupstöðum og löggiltum kaптúnum, en að heimild þessi nái ekki til þeirra, sem
nefndir eru í 5. gr. laganna, sveitaverzluarmenn.